

է ս. Պետքոսի տաճարում՝ որտեղ ներկայ է եղել 50,000 բազմութիւն, իսկ եկեղեցուց դուրս կատարդացուել են բազմաթիւ դաստիառութիւններ ս. Գրիգորիոսի գործունէութեան և նրա ժամանակաշրջանին նուիրուած:

—Գերմանիայում յիսուսեանների վերաբերեալ օրինաց § 2-ր յօդուածի (Երկրորդ պարագրաֆի) ոչնչացումից յետոյ համարեա անմիջապէս վերացուել են և նախարարական բազմաթիւ շրջաբերական կարգադրութիւններ, որոնք հրատարակուել էին Հռովմի դէմ մղած «կուլտուրական կոռուի» ժամանակ և որոնց նպատակն էր եղել կաթոլիկ եկեղեցու ազդեցութեան սահմանափակումը գպրոցներում: Նոր կարգադրութեամբ իրաւունք է տրուում գպրոցներում կրօնական միութիւններ և համախմբումներ կազմակերպելու գպրոցական վարչութեան և կրօնուսուցչի հոկողութեամբ: Այսպիսով մինչդեռ ֆրանսիայում Կօմը նախարարութիւնը մաքառում է միաբանութեանց ազգեցցութեան դէմ յատկապէս գպրոցներում, Գերմանիան հէնց մի միայն այդ հանգամանքից օգուտ քաղելու նպատակաւ նորանոր իրաւունքներ է տալիս կաթոլիկ եկեղեցուն նրա աջակցութիւնն իւր կողմն ունենալու և իւր քաղաքական ազդեցութիւնը կաթոլիկների վրայ աւելի մեծ չափով տարածելու: —Խեղճ եկեղեցի, որ զիչումներ է ստանում և գործելու տապարէղ է ձեռք բերում միմիայն քաղաքականութեան գործեք դառնալու և նրա հեռաւոր նպատակներին ծառայելու:

ԲՈՂՈՔԱԿԱՆ ԵԿԵՂԵՑԻ

Բողոքական համայնքների միութեան ձգտումը, որի հետեւնքն եղաւ «Գերմանական աւետարանական եկեղեցական կօմիտէտի» հիմնարկութիւնը, վերջին ժամանակներու երեան եկաւ նաև Ֆրանսիայում:

Ֆրանսիական բողոքականութեան չօրս քաժանմունքները «բողոքական եկեղեցիների գլխաւոր սինօդը», «Բողոքական ազատ եկեղեցիների գլխաւոր միութիւնը», «Աւետարանական ազատ եկեղեցիների ունիան» և «Աւետարանական մէթոդիստական եկեղեցին» ցանկանալով հրապարակաւ յայտնել ֆրանսիական բողոքական եկեղեցիների եղբայրական միութիւնը և ընդհանուր գործի յաջողութեան համար մի միացնող կապ հաստատել բողոքական եկեղեցիների մէջ, որոշեցին կազմակերպել» Բողո-

քական ֆեդերացիան» (դաշնակցութիւն): Խըրաքանչիւր եկեղեցու սկզբունքները, կարգապահութիւնը, պատարագը և կաղմակերպութիւնը մնալու է անձեռնմխելի: Ֆեդերացիայի մերձաւոր նպատակն է լինելու դաշնակից եկեղեցիներից խըրաքանչիւրի աղատութեան և իրաւանց պաշտպանութիւնն իշխանութեան առաջ: Նա կընպատի եկեղեցիների աւելի սերամիութեան: Նրա վարչական մարմինն է լինելու «Բողոքական Դաշնակցութեան Խորհուրդը», որտեղ դաշնակից եկեղեցիներից իւրաքանչիւրը կունենայ երկու ներկայացուցիչ: Դաշնակցական Խորհուրդը պարտաւորութիւն կունենայ. 1) դաշնակցութեան անունով պաշտպանելու իւր համայնքների շահերը. 2) հրաւիրելու հրապարակական միութեան ժողովներ, երբ որ այդ օդատակար կընանաչուի. 3) աջակցել դաշնակցութեան ոգու համապատասխան բոլոր ձեռնարկութիւններին և հովանաւորել ֆրանսիական բողոքականութեան քարոյական և սոցիալական ձգառումները. 4) ջանալ դաշնակցութեան հետ միացնելու բողոքական և միւս եկեղեցիներ, որպէս զի այդ ձեռք կարելի լինի ստեղծել ֆրանսիական բողոքականութեան ընդհանուր միութիւն:

Այս ծրագիրն արդէն կազմուած է և ներկայացրած գրեթեաւոր միութեանց բարեհայեցողութեան:

ԳՐԱԿԱՆ ՄԱՍԵՆԱԼԻՕՍԱԿԱՆ

ՀԱՏԵԱՆ – ՀԱՅ ԼԵԶՈՒՆԵՐԻ ԽՆԴԻՐԻ

Հայ Պրաճ. Պ. Ենուկի.

[P. Jensen. Hittitisch und Armenisch, Separat—Abdruck aus «Indogerman. Forschungen, Anzeiger» XIV Bd. 1—3 Heft; — «Die hittitisch armenische Inschrift eines Syennesis aus Babylon, Separat—Abdruck aus der Zeitschrift für die Deutsche Morganländische Gesellschaft, 1903, Heft 11].

Հայ ժողովրդի ծագումի մասին, յայտնի է, տարբեր են գիտականների կարծիքները: Խոչպէս Հիւրշման (Armen. Gram-